

Cwestiynau Adaseinio Hawliau Rhaglenni

Cwestiwn

Ydy S4C yn medru darparu rhestr o raglenni a gynhyrchwyd gan gwmni gan gynnwys rhif y rhaglen a'r dyddiad darlledu cyntaf?

Ateb

Fe fedrwn ddarparu'r rhestr o deitlau rhaglenni sy'n ymddangos o dan enw'r cwmni yn ein system gyfrifiadurol, hyd a nifer, a dyddiad darlledu cyntaf (neu ddyddiad darlledu'r bennod olaf yn achos cyfres). Fe fydd S4C yn gwneud pob ymdrech resymol i wirio'r wybodaeth hon ond nid yw S4C yn gwarantu y bydd yr wybodaeth yn gyflawn a chywir ac ni fydd yn atebol am unrhyw wallau neu hepgoriadau.

Cwestiwn

Mae'r wybodaeth yn y dogfennau ar y safle gwe yn nodi mai cwmnïau cynhyrchu yn unig sydd i wneud cais am ad aseiniad o'r hawliau. Sut ddylai cyfarwyddwyr cwmni nad yw'n bodoli mwyach fynd ati i wneud cais am adaseinio hawliau rhaglenni?

Ateb

Os oes gan gyfarwyddwyr cwmnïau nad ydynt yn bodoli ddiddordeb mewn ceisio am yr hawliau yna dylai holl gyn gyfarwyddwyr y cwmni gytuno er mwyn gwneud y cais ar y cyd, neu roi awdurdodiad ysgrifenedig i gwmni/gynrychiolydd wneud cais ar eu rhan. Mae'r cynnig am adaseiniad yn gyson â pholisi S4C i'r sector gynhyrchu fedru manteisio yn fasnachol. Bydd S4C yn cadw'r hawl i flaenoriaethu'r ceisiadau yn unol â'r polisi ac yn ol ei disgresiwn.

Cwestiwn

Lle fedrwn ni gael gafeael ar y rhestr o gynyrchiadau sy'n cael eu dosbarthu gan Cymru International?

Ateb

Mae rhestr o'r cynhyrchiadau i'w gael [yma](#). Gan fod hawliau penodol wedi eu breinio yn Cymru International ar gyfer dosbarthu, ni fydd yr hawliau yn y rhaglenni hyn yn cael eu hadaseinio.

Cwestiwn

Pan fod deunydd crai (rushes) yn cael ei storio yn llyfrgell S4C, a fyddai S4C yn hapus i ryddhau y tapiau i'r cwmnïau cynhyrchu yn rhad ac am ddim?

Ateb

Bydd S4C yn rhyddhau'r tapiau o'n llyfrgell yn ddi-dâl. Os bydd cwmni cynhyrchu yn gofyn am gopïau o dapiau rhaglenni yna mae'n bolisi gan S4C na fydd copïau darlledu yn cael eu rhyddhau o'r adeilad a byddai disgwyl i'r cwmni cynhyrchu dalu ffi copïo. Nodwch os gwelwch yn dda, lle bo deunydd crai yn cael ei ryddhau yna dylai gael ei storio yn unol â'r telerau/safonau a amlinellwyd ym Mholisi Archifo TAC.